

1^r

DEr Durchleuchtigften
vnd Hochgebornen furft
in vnd frawen/ frau
kunigunden/ geborne
ertzhertzogin zu Ofterreich 7c vnd
loblicher gedachtnuß hertzog Al-
brechts In Obern vnd Nidern Ba-
irn meus gnedigen herren ver-
laffne wittib/ meiner gnedigften
frawen/ Empeut Jch Dietrich von
Pleningen zu Schawbegk vnd Eyf-
enhofen/ Ritter vnd doctor mein
vndertanig dienft.

Wiewol gnedigfte fraw Jch
wayß des betrubten vnd fchäd-
lichen tods halben: loblichfter ge-
dachtnuß kayfer Maximilians/
E g ainigen herren vnd brüders
fälligen/ vnfers allergnedigften
herren der naturlichen vnd gantz

1^v

Criftenlichen Jrer maieftat zů
geftanden ift/ dem got gnedig vnd
parmhertzig fein woll/ mit hoch
en Ermanůngen alls man mit
andern frawen/ zů zeiten pfligt
zthůn/ zutroften/ vnd das groß
laide hin zůlegen fich zu bearbaiten
on not ze fein/ Wann ich anderft
gedenck/ wie fo troftlich tapfer
lich vnd großmůtlich E g lich:
zů zeiten Jn abfterben Jrs lieben
herren vnd gemachels loblicher
gedachtnus Hertzog Albrechts: geg
en Jrn groffen vbeln vnd laide –
widerfetzt/ vnd der maffen ge
halten haben/ Defhalben Jch aber
nyemants anderer zweyfeln foll/
das E g nůn follich ir groß alt
gemůt/ Jn gegen wůrttigem hertz
enlaide yetzt/ mangeln werde/

2^r

Sy ift zûm Erften laide nit aus
ainer wûte oder aûs ongeparde
(alls offt in fliegenden geÿften
gefchicht) gleich nach abfterben
Jrs geliebten gemachels befte-
ndigklichen Jn betrachtung vnf-
er aller menfchen forgklich vnd
onbefendtlchs leben/ auffer Ein-
em furftlichen Sale vnd wol-
lûft von viln dienern vnd dien-
erin außgangen/ vnd in ain die-
mûttigs Cleÿflj zû diemûtig
en ſchweſtern der geiftlichait
dofelbft an zûhängen/ vnd got zû
dienen eingangen/ on alle betrieb-
nûs ſich der Torenten welt ver-
zigen/ Den tode: fo die geiftlichn̄
Recht Burgerlichen nement: an
genommen: Jn willen vnd ftättem
fûrfatz do felbft des natûrlichen

2^v

tods mit vnerfchrocknem gemüet
aûch zû erwarten/ vnd fo palde
der frome loblich furft hertzog Al
brecht/ in das grab gelegt ward/
So haben E g nit ongepârdlichn̄/
Jm laide lich erzaigt/ fonder Jrn
groffen fchmertzten/ auch von Jr
gethan/ Were wolt dann gnedig
fte frau zweyfeln/ das lich E g
yetzt Jm kaiferlichen laide Jrer
gewonhait nach/ nit aûch gantz
troftlichen folt wiffen zû halten?
mit groffer fürpите gegen got/
vnd andern gûten wercken habend
E g dem fromen furften vleiffig
lichen gedient/ do mere nutz:
dann auff on menfchlichen gepard
oder von onvernûftigem traûr
en zu erholn ift geweft/ E g hab
ent lich Jn gotes dienft gleich

3^r

nach dem furftlichen abfterben/
gethan/ vnd vns zů vnfern zeitn
ain wunderparlichs vnd vner-
hörts furftlichs frewlichs Ex-
empel gegeben/ das wirt on
zweyfel In ewig zeit bey vnfern
nachkomen on vergeffen pleibñ
Darumb fo bedorffen E g nit vil
vnderweifungen: fich in dife groffe
laid zů ſchicken: Jr feyt der ſachñ
vorweyß/ vnd bedarff der fromñ
kaifer allain Jrer andechtigen
ſchwelter gůts: nach thünd: Aber
das heilig Rômifch Reich vnd die
Criftenhait/ bedörfften paß ain⁹
Reychern vnd hochern troftung/
Dann Gnedigfte frau In was
verderblichen ſchadens In wöl-
lich forg vnd angft das Romifch
Reyche: Ja die gantz Criftenhait/

3^v

durch difen kaiferlichen erfchrocken
tode/ eingefurt fey worden Jft
yederman laider wol wiffent/
Aber das foll vns hoch tröften vnd
erfrewen/ das der from̄ Kayfer
Maximilian der vns Criftenlichen
vnd wol regiert hat/ das Er auch
vaft Criftenlich vnd mit groffer
vernunft wol geftorben ift/ dar
zu: ermeß ain yeder: mit was tugē
enden vnd Erberkaiter für ander
fein maieftat begoubt fey gewefen/
difen fchatz findt er In Jhenner
welte/ das alles aber an zu zaigē
nit zeit hat/ auch mir ongefchick
en on muglich zuerzeln/ Sein
verlaßen hiftorien werden das
wol außtreichen/ Aber das fey
yetzt zu vnferm vall gnüg zu fagē/
fein maieftat Jft aller poſhait

4^r

frey gefanden vnd hat die piß an
fein Ende tapferlichen vnd kaifer
lichen gehaßt/ die nit wie ain wyet
trich/ fonder vaterlichen geftræ
afft/ wiewol fein agt vor der-
ftunde feins Ends/ alls man fagt/
hertzigklichen gewainet vnd ge
fagt haben foll/ Jne betrueb Jn
feiner gewiffen nichts hochers/
dann das vil menfchen vmb feins
willen geftorben/ vnd vmb komen
feyend/ Do entgegen aber meins
bedunckens were troftlichen zů
antworten gewefen/ vnd Alfo/
Es fey Jn ains kaifers macht: al-
lain krieg anzefachen/ vnd kriegs
gerechtigkait zů vben/ vnd die
fräffenlichen nider zutrucken/
das gehort allain ainem Romifchñ
Kaifer zů/ oder denen Erß erlobt/

4^v

das ist Jm: von got gegeben worden/
die pothaiten vnd vbelthaten
mit gwalt zůttrouffen/ dardurch
gehorsam vnd fryde zu erlangen/
nyemands auf Erden hats auch
sonst macht/ sollichs aufferhalb
ains Kaifers/ zu Erlauben oder zů
haiffen/ oder zu lassen/ Wie solt dann
ain Kaifer durch Krieg synden mögen?
so Er die gehorsam wie Er
mag mit todtschlegen oder sonst
durch ander ttrouffen zu zwingen
hat/ vnd hat das auß zůlassen
der heiligen geschriff/ Jft and
erft (gnedigste frau) die heilige/
geschrift vnd das Babtlich Recht
glaubwirdig (alldann nyemands
zweyfel soll) so werden solliche
ttraffen den Kaifern von der Kirchen
vnd Jrn lern (wie ich gefagt hab)

5^r

erlaubt/ Defhalben ift daß kaifer
lich thûn geweft/ on fund: zû
achten/ Nûn ermefß ain yeder
Criftenlicher menſch fo wir yetzt
ains Kaifers Jrr gend/ ob nit on
Criftenlicher ordnung zulaffüg:
dannocht täglichen groß todſch
leg begangen werden/ oder noch
In abwefen vnd auß mangel ains
kayfers gefchehen werden/ alfo
nun mere vnd mere aufruren Er
weckt/ wo aber kaiferliche mft
vns got nit hin genomen/ het Er
follichs alles mit gûtem fügen ab
mogen wenden/ Alfo mögen wir/
wol auß ſchreyen O/ du arms Römifchs
Reich Rueff got Jnnerlichen an/
vnd Bit in: das Er vns widerumb
mit ainem giettigen vnd auß

5^v

richtigen kaifer verfechen/ vnd ge
ruche das Reich mit ainem andern
Maximilian pald wider zů er
letzen/ der In des from̄en Kaifers
Maximilians füßtapfen gleich
treten kunde/ aber zů befragen Es
werde langklam gefchechen/ Got
woll vns gnediglichen helfen/
vnd domit ich groffe hertzenlaide mit
meinen roden nit tieffe: in E g ver
letze/ fonder Jr ain haylfame troft
ung fur augen bring/ die der hoch
berömpft philofophus vnd Romer:
Seneca zu ainer Jrrleuchten Röm
erin Marcia genant gefchriben
hat/ die do was ain gemachel des
Jungen Cathon/ vnd Jrn ainigen
Sun verlorn hat/ defhalben vil
Jahre kain Ertzney ainicher troftüg
gedulden oder leiden hat wollen/

6^r

fonder Jr ftracks fur gefetzt in
Ewiger traurigkait zu beharrē/
difer Seneca hat fy mit feiner
kunfte vnd gefchicklichait/ der
felben traurigen Marcia vnder
ftanden mit ainer ſchonen troft-
ung die vns In latinifcher ſprach
verlaſſen iſt/ an zегreifen: vnd
fy haile zūmachen/ hat fy auch
an Jrm hertzen laide gefund ge-
macht: von Jrer ftettigen weyß ab
gewendt/ die hab ich E f g zu Ern/
alls meiner gnedigften frawen
dife tag here/ in einer eyle auß
latinifcher ſprach in die hohen
Teutfche verändert/ vnd geteutfcht/
domit fy durch des Seneca troftüg
deſter pelder yetzt aūch gefund/
gemacht mög werden/ Domit
Jch aber E gn mit meinen vber-

6^v

vliffigen worten nit lang auf
halte/ So wöllend Eur genad
den Senecam felber röden hören/
den ich E gn vndertänigklichen
hiemit zutäglicher lösung vber=
gibe/ vnd will mich hiemit zû
fampft dem puechlin diemütig
lichen befolchen haben/ Date
vff den zwaintzigiften tag Fe=
bruary 1519 Jn der furftlichen
Stat munchen/